

სამოსამართლო გამოცდილების არმქონე მოსამართლეობის კანდიდატის შეფასების ფორმა

მოსამართლეობის კანდიდატის *მაია ყუბიტაშვილის* შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით		
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	☐	
მოსამართლეობის კანდიდატი აკმაყოფილებს კეთილსინდისიერების კრიტერიუმს	☐	
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს	☒	
მოსამართლეობის კანდიდატის შეფასება კომპეტენტურობის კრიტერიუმის მიხედვით		
კრიტერიუმი	მიღებული ქულა	მაქსიმალური ქულა
სამართლის ნორმების ცოდნა	22	25
სამართლებრივი დასაბუთების უნარი და კომპეტენცია	23	25
წერისა და ზეპირი კომუნიკაციის უნარი	18	20
პროფესიული თვისებები	14	15
აკადემიური მიღწევები და პროფესიული წვრთნა	8	10
პროფესიული აქტივობა	3	5
ქულათა ჯამი	88	100

მანუჩარ კაკოჩაშვილი

თარიღი: 7. 07. 2025





საქართველოს იუსტიციის უმაღლესი საბჭოს წევრი

მანუჩარ კაკოჩაშვილი

რაიონული (საქალაქო) სასამართლოების მოსამართლეობის კანდიდატა შესარჩევ პროცედურაში მონაწილე კანდიდატის - მაია ყუშიტაშვილის შეფასების დასაბუთება

საქართველოს იუსტიციის უმაღლესი საბჭოს 2025 წლის 25 თებერვლის №1/23 განკარგულების საფუძველზე დაიწყო კონკურსი საქართველოს საერთო სასამართლოებში 17 ვაკანტურ თანამდებობაზე მოსამართლეთა დანიშვნის მიზნით. რომლის ფარგლებში განვახორციელე კანდიდატ მაია ყუშიტაშვილის შეფასება. შეფასების დასაბუთებისას ვიხელმძღვანელე „საერთო სასამართლოების შესახებ“ საქართველოს ორგანული კანონის 35-ე მუხლის მე-3 და 34¹ მუხლის მე-11 პუნქტებით.

კანდიდატის თაობაზე მოძიებული ზოგადი ინფორმაცია: კანდიდატი - დაიბადა 1991 წლის 26 მაისი. უმაღლესი იურიდიული განათლებით, მაგისტრის ხარისხი (სდასუ). აქვს სპეციალობით მუშაობის 10 წელი და 10 თვე გამოცდილება.

კანდიდატი შევავასე სამოსამართლო გამოცდილების არმქონე ორგანული კანონით დადგენილი მახასიათებლებით, საბჭოს სტრუქტურული ერთეულის მიერ მოპოვებული ინფორმაციისა და კანდიდატის საჯარო მოსმენის პროცესში გამოვლენილი პიროვნული და პროფესიული თვისებების გათვალისწინებით. სამოსამართლო გამოცდილების არმქონე კანდიდატის კეთილსინდისიერების კრიტერიუმით შეფასებისას მხედველობაში მიიღება 35¹ მუხლის მე-16 პუნქტით დადგენილი მახასიათებლებით.

1. პიროვნული კეთილსინდისიერება და პროფესიული სინდისი:

„საერთო სასამართლოების შესახებ“ საქართველოს ორგანული კანონის 35¹ მუხლის მე-4 პუნქტის თანახმად პიროვნული კეთილსინდისიერებისა და პროფესიული სინდისის მახასიათებლით მოსამართლის შეფასებისას გაითვალისწინება პირის როგორც მოსამართლისა და მოქალაქის - პატიოსნება, კეთილსინდისიერება, მოვალეობებისა და პასუხისმგებლობის შესაბამისი შეგნება, გამჭვირვალობა კორექტულობა და სიზუსტე სამსახურებრივი თუ სხვა მოვალეობების, ფინანსური თუ სხვა ვალდებულებების შესრულებისას (მაგალითად, ქონებრივი დეკლარაციის შევსებისას, ბანკის ან სხვა ვალის, კომუნალური ან სხვა გადასახადის გადახდისას, საგზაო მოძრაობის წესების დარღვევისათვის ჯარიმის გადახდისას) და სხვა.

კანდიდატის მიერ წარმოდგენილი და იუსტიციის უმაღლესი საბჭოს მიერ მოძიებული ინფორმაციის, ასევე საჯარო მოსმენის შედეგად მიღებული მონაცემების საფუძველზე დგინდება, რომ კანდიდატს აქვს მიმდინარე სესხი, აქვს დადებითი საკრედიტო ისტორია, სახელმწიფო ბიუჯეტის მიმართ დავალიანება არ ერიცხება. უძრავი ქონების რეესტრში არსებული ინფორმაცია შესაბამისობაშია ქონებრივი მდგომარეობის დეკლარაციასთან.

კანდიდატს არ უფიქსირდება ადმინისტრაციულ სამართალდარღვევათა კოდექსით გათვალისწინებული სამართალდარღვევის ფაქტი.

მაია ყუშიტაშვილს რეკომენდატორები და სხვა გამოკითხული პირები ახასიათებენ როგორც პატიოსან, შრომისმოყვარე, კეთილსინდისიერ, ჰუმანურ, პრინციპულ, კომპეტენტურ, თავმდაბალ, პასუხისმგებლობის გრძნობის მქონე პიროვნებას.

აღნიშნულიდან გამომდინარე, მივიჩნევ, რომ კანდიდატი სრულად აკმაყოფილებს ამ მახასიათებელს.

2. დამოუკიდებლობა, მიუკერძოებლობა და სამართლიანობა:

„საერთო სასამართლოების შესახებ“ საქართველოს ორგანული კანონის 35¹ მუხლის მე-5 პუნქტის თანახმად დამოუკიდებლობის, მიუკერძოებლობისა და სამართლიანობის მახასიათებლით მოსამართლის შეფასებისას გაითვალისწინება მისი პრინციპულობა, გადაწყვეტილების დამოუკიდებლად მიღების უნარი და ზეგავლენის მიმართ შედეგობა, პიროვნული სიმყარე და შეუვალობა.

მოპოვებული მონაცემებით დგინდება, რომ კანდიდატი არ ყოფილა არცერთი პოლიტიკური პარტიის წევრი, მხარდამჭერი ან შემომწირველი, ინტერნეტ სივრცეში არ იმეზნება მის შესახებ ინფორმაცია.

კანდიდატთან საქმიან ურთიერთობაში მყოფი პირების შეფასებით მაია ყუშიტაშვილი არის პრინციპული, მას აქვს გადაწყვეტილების დამოუკიდებლად მიღების უნარი, გამოირჩევა პიროვნული სიმტკიცით.

რეკომენდატორები გამოთქვამენ მოსაზრებებს კანდიდატის მიუკერძოებლობის, , სამართლიანობის შესახებ. მას აქვს უნარი იყოს ნეიტრალური და მიუკერძოებელი. გამოკითხული რესპოდენტები მიუთითებენ, რომ კანდიდატი სრულად აკმაყოფილებს კეთილსინდისიერების კრიტერიუმს.

აღნიშნულიდან გამომდინარე, მივიჩნევ, რომ კანდიდატი სრულად აკმაყოფილებს ამ მახასიათებელს.

3. პიროვნული და პროფესიული ქცევა:

„საერთო სასამართლოების შესახებ“ საქართველოს ორგანული კანონის 35¹ მუხლის მე-6 პუნქტის თანახმად პიროვნული და პროფესიული ქცევის მახასიათებლით მოსამართლის შეფასებისას გაითვალისწინება მისი კორექტულობა კოლეგებთან და სხვა პირებთან ურთიერთობისას, თავდაქეჩილობა, საკუთარი ემოციების მართვის უნარი, მხარედ მისი

მონაწილეობით სასამართლოში წარმართული დავები, მის წინააღმდეგ სისხლისსამართლებრივი ბრალდებების არსებობა და სხვა.

საქართველოს საერთო სასამართლოებში წარმოებულ დავებში მაია ყუშიტაშვილის მხარედ მონაწილეობის თაობაზე ინფორმაცია ელექტრონული საქმისწარმოების საძიებო სისტემაში ვერ იქნა მოძიებული.

საქართველოს გენერალური პროკურატურის ინფორმაციით –კანდიდატი დაზარალებულად ცნობილი არ ყოფილა. მოძიებული ინფორმაციის თანახმად, კანდიდატის მიმართ არც დისციპლინური დევნა არ მიმდინარეობს.

რესპოდენტების შეფასებით, კანდიდატი არის მშვიდი და გაწონასწორებული თავმდაბალი ადამიანი და აქვს საკუთარი ემოციების მართვის უნარი, გააჩნია მოსამართლის მაღალი წოდების შესაბამისი ქცევა. არის ძალიან კომუნიკაბელური და დადებითი პიროვნება. მშვიდად შეუძლია მოისმინოს სხვისი აზრი და საკუთარი განმარტება გააკეთოს განსახილველი საკითხებზე. კოლეგებს ეპყრობა თავაზიანად და პატივისცემით. არის თავდაჭერილი, კომუნიკაბელური და ეფექტურად მართავს საკუთარ ემოციებს. მოძიებული ინფორმაციით დგინდება, რომ მაია ყუშიტაშვილის მიმართ სისხლისსამართლებრივი დევნა არ დაწყებულია.

აღნიშნულიდან გამომდინარე, მივიჩნევ, რომ კანდიდატი სრულად აკმაყოფილებს ამ მახასიათებელს.

4. პიროვნული და პროფესიული რეპუტაცია:

„საერთო სასამართლოების შესახებ“ საქართველოს ორგანული კანონის 35¹ მუხლის მე-7 პუნქტის თანახმად პიროვნული და პროფესიული რეპუტაციის მახასიათებლით მოსამართლის შეფასებისას გაითვალისწინება მისი საქმიანი და მორალური რეპუტაცია და ავტორიტეტი იურიდიულ წრეებსა და საზოგადოებაში, იურიდიულ წრეებთან ურთიერთობის ხასიათი და ხარისხი და სხვა.

კანდიდატს აქვს მაღალი პიროვნული და საქმიანი რეპუტაცია. არის საკუთარი პრინციპებისა და საქმის ერთგული პიროვნება. მეგობრებსა და კოლეგებს შორის სარგებლობს კარგი რეპუტაციით. არის საკუთარი პრინციპებისა და საქმის ერთგული პიროვნება. გააჩნია მოვალეობისა და პასუხისმგებლობის მაღალი შეგნება. სარგებლობს მაღალი პიროვნული და საქმიანი რეპუტაციით და იმსახურებს დიდ პატივისცემას.

კანდიდატი კეთილსინდისიერების კრიტერიუმის ყველა მახასიათებლით შემოწმებისას შევავსე სრულად დადებითად.

ზემოაღნიშნულის გათვალისწინებით მივიჩნიე, რომ კანდიდატი **სრულად აკმაყოფილებს** კეთილსინდისიერების კრიტერიუმს.

მოსამართლეობის კანდიდატის შეფასება კომპეტენტურობის კრიტერიუმის მიხედვით:

„საერთო სასამართლოების შესახებ“ საქართველოს ორგანული კანონის 35¹ მუხლის მე-16 პუნქტის თანახმად კომპეტენტურობის კრიტერიუმით მოსამართლეობის კანდიდატი ფასდება ქულებით. კომპეტენტურობის კრიტერიუმის მახასიათებლის მნიშვნელობიდან გამომდინარე თითოეული მახასიათებლის მიხედვით მოსაპოვებელ ქულათა მაქსიმალური რაოდენობაა:

- ა) სამართლის ნორმების ცოდნა - 25 ქულა;
- ბ) სამართლებრივი დასაბუთების უნარი და კომპეტენცია - 25 ქულა;
- გ) წერისა და ზეპირი კომუნიკაციის უნარები - 20 ქულა;
- დ) პროფესიული თვისებები - 15 ქულა;
- ე) აკადემიური მიღწევები და პროფესიული წვრთნა - 10 ქულა;
- ვ) პროფესიული აქტივობა - 5 ქულა.

1. სამართლის ნორმების ცოდნა:

„საერთო სასამართლოების შესახებ“ საქართველოს ორგანული კანონის 35¹ მუხლის მე-9 პუნქტის თანახმად სამართლის ნორმების ცოდნის მახასიათებლით მოსამართლის შეფასებისას გაითვალისწინება მატერიალური და საპროცესო კანონმდებლობის, ადამიანის უფლებათა სამართლის, მათ შორის, ადამიანის უფლებათა ევროპული სასამართლოს პრეცედენტული სამართლის ცოდნის დონე.

კანდიდატის მიერ წარმოდგენილი და იუსტიციის უმაღლესი საბჭოს მიერ მოპოვებულ მონაცემებზე დაყრდნობით შეიძლება ითქვას, კანდიდატს გააჩნია უნარი და კომპეტენცია, სადავო საკითხზე მსჯელობისას არგუმენტირებულად განმარტოს სამართლის ნორმა. კანდიდატი კარგად ფლობს მატერიალურ და პროცესუალურ კანონმდებლობას, ადამიანის უფლებების სამართალს, გააჩნია სამართლებრივი საკითხების გააზრების უნარი. სწორად იყენებს როგორც მატერიალურ ისე საპროცესო კანონმდებლობას. ეცნობა კანონმდებლობაში შეტანილ ცვლილებებს და ადამიანის უფლებათა და ძირითად თავისუფლებათა ევროპული სასამართლოს, გადაწყვეტილებებს.

საჯარო მოსმენისას იუსტიციის უმაღლესი საბჭოს წევრებმა კანდიდატს დაუსვეს ზოგადი და კონკრეტული სამართლებრივი ხასიათის შეკითხვები. კანდიდატი კარგად ფლობს საქართველოს სამოქალაქო, ადმინისტრაციულ და სისხლის სამართლის როგორც მატერიალურ, ისე საპროცესო სამართლის თეორიულ საფუძვლებს. ასევე საერთაშორისო სამართლებრივ საკითხებს. კანდიდატმა ისაუბრა და გასცა პასუხები სხვადასხვა სისხლის სამართლებრივ შეკითხვებს, საჯარო მოსმენისას კანდიდატმა ისაუბრა როგორც სისხლის სამართლებრივ ზოგადი ნაწილის შესახებ დასმულ შეკითხვებს ისე საერთაშორისო სამართლებრივ შეკითხვებს, თუმცა ასევე უნდა აღინიშნოს, რომ ერთ შემთხვევაში მისი პასუხი იყო არასრული და არ იყო ამომწურავი.

აღსანიშნავია, რომ კანდიდატს ჩაბარებული აქვს მოსამართლეობის საკვალიფიკაციო გამოცდა, სისხლის სამართლის სპეციალიზაციით 2023 წლის 24 სექტემბერს. მიღებული ქულა - 82/16). ვინაიდან კანდიდატი მოსამართლეობის გამოცდილების არმქონეა, მხედველობაში მიიღება იუსტიციის უმაღლესი სკოლის შეფასება რომელიც დადებითია და მის მიერ წარმოდგენილი სამაგისტრო ნაშრომი (მტკიცების ტვირთის თავისებურებები).

იუსტიციის უმაღლესი სკოლის შეფასებით – სამოქალაქო და ადმინისტრაციულ სამართლის მიმართულებით არსებული შეფასების თანახმად, მათა ყუშიტაშვილს აქვს კარგი თეორიული ცოდნა და შესაბამისად ახდენს პრაქტიკაში მის გამოყენებას. მას აქვს კარგი სამართლებრივი ანალიზის უნარი, შეუძლია არგუმენტირებული და დახვეწილი სამართლებრივი მსჯელობა, სამართლებრივი არგუმენტების მოძიება, მათი ერთმანეთთან სწორად დაკავშირება და შესაბამისი დასკვნის გამოტანა. ამასთან, სასურველია უფრო მეტი შინაგანი გახსნილება. მათა ყუშიტაშვილი სისხლის სამართალში მიღებულ თეორიულ ცოდნას სათანადოდ იყენებს პრაქტიკაში. აქვს სამართლებრივი ანალიზის და მსჯელობის კარგი უნარი. შეუძლია სამართლებრივი არგუმენტების მოძიება, მათი ერთმანეთთან სწორად დაკავშირება და შესაბამისი დასკვნების გამოტანა. მის მიერ მომზადებული გადაწყვეტილებების პროექტები სწორად და თანმიმდევრულად არის ჩამოყალიბებული.

2. სამართლებრივი დასაბუთების უნარი და კომპეტენცია:

„საერთო სასამართლოების შესახებ“ საქართველოს ორგანული კანონის 35¹ მუხლის მე-10 პუნქტის თანახმად სამართლებრივი დასაბუთების უნარისა და კომპეტენციის მახასიათებლით მოსამართლის შეფასებისას გაითვალისწინება მისი ანალიტიკური აზროვნების უნარი და პროფესიული გამოცდილება.

მათა ყუშიტაშვილს აქვს სპეციალობით მუშაობის ხანგრძლივი მუშაობის გამოცდილება. ამასთან, დავეყრდენი სკოლის შეფასებას: კანდიდატის მიერ განვითარებული მსჯელობა სამართლებრივ საკითხებთან დაკავშირებით ყოველთვის არის მართებული. კანდიდატს შეუძლია თეორიული ცოდნის პრაქტიკაში გამოყენება. იგი თავის გადაწყვეტილებაში არის სწრაფი და დამაჯერებელი. აქვს უნარი კარგად დაასაბუთოს გადაწყვეტილება მხარეთა არგუმენტების გათვალისწინებით. სისხლის სამართალში – მისი დასაბუთებები ლოგიკური და გასაგებია. სისხლის სამართალში – რეკომენდებულია მან იმუშაოს სემინარული მუშაობისას დაშვებული მცირე შეცდომების გამოსწორებაზე და წერილობითი უნარების უფრო მეტად განვითარებაზე.

3. წერისა და ზეპირი კომუნიკაციის უნარები:

„საერთო სასამართლოების შესახებ“ საქართველოს ორგანული კანონის 35¹ მუხლის მე-11 პუნქტის თანახმად წერის უნარის მახასიათებლით მოსამართლის შეფასებისას გაითვალისწინება აზრის ნათლად და გასაგებად გადმოცემის, ლოგიკური მსჯელობისა და ანალიზის უნარი. ზეპირი კომუნიკაციის უნარის მახასიათებლით მოსამართლის შეფასებისას გაითვალისწინება გამართული მეტყველების უნარი, სხვისი აზრის მოთმინებით მოსმენის უნარი, ღიაობა, განსხვავებული აზრის მოსმენის შესაძლებლობა და სხვა.

კანდიდატი აზრს გადმოსცემს გასაგებად, ნათლად, გამოკითხული პირები უთითებენ, რომ კანდიდატი წერის პროცესში მსჯელობს ლოგიკურად, წერს გამართულად, მის მიერ შედგენილი სამართლებრივი დოკუმენტები გამოირჩევა როგორც მაღალი კვალიფიკაციის მქონე პირის მიერ შექმნილი, არის ნათელი და გასაგები. ფლობს წერის კულტურას.

საქართველოს იუსტიციის უმაღლესი სკოლის დამოუკიდებელი საბჭოს წარმოდგენილი შეფასებიდან ჩანს, რომ კანდიდატს შეუძლია აზრის ნათლად და გასაგებად გადმოცემა.

გასაუბრებიდან ჩანს, რომ კანდიდატი აზრს გადმოსცემს ნათლად და გასაგებად, ფლობს კომუნიკაციის სათანადო უნარებს. კანდიდატმა საჯარო მოსმენის პროცესზე გამოავლინა კარგი კომუნიკაციის, გამართულად შეტყვევების, სხვისი აზრის მოთმინებით მოსმენის უნარი. კანდიდატი საუბრობს მშვიდად, გაწონასწორებულად, აზრს გადმოსცემს ნათლად და მკაფიოდ.

4. პროფესიული თვისებები:

„საერთო სასამართლოების შესახებ“ საქართველოს ორგანული კანონის 35¹ მუხლის მე-12 პუნქტის თანახმად პროფესიული თვისებების მახასიათებლით მოსამართლის შეფასებისას გაითვალისწინება მისი პუნქტუალურობა, შრომისმოყვარეობა, დამოუკიდებელი აზროვნების უნარი, სტრესულ სიტუაციაში მუშაობის უნარი, მიზანდასახულობა, მენეჯერული უნარ-ჩვევები და სხვა.

რეკომენდატორები კანდიდატს ახასიათებენ პუნქტუალურ და შრომისმოყვარე პიროვნებად, რომელსაც აქვს სტრესულ და დატვირთულ სამუშაო ვითარებაში პროდუქტიული მუშაობის უნარი.

საქართველოს იუსტიციის უმაღლესი სკოლის დამოუკიდებელი საბჭო, რეკომენდატორები და სხვა გამოვითხული პირები მიიჩნევენ, რომ კანდიდატი გამოირჩევა პასუხისმგებლობის მაღალი გრძნობით და მოწესრიგებულობით.

5. აკადემიური მიღწევები და პროფესიული წვრთნა:

„საერთო სასამართლოების შესახებ“ საქართველოს ორგანული კანონის 35¹ მუხლის მე-13 პუნქტის თანახმად აკადემიური მიღწევებისა და პროფესიული წვრთნის მახასიათებლით მოსამართლის შეფასებისას გაითვალისწინება სიახლეების მიმართ მისი ღიაობა, თვითგანვითარების უნარი, საოფისე კულტურა, ახალი ცოდნისა და უნარების შეძენის ინტერესი, პროფესიული წვრთნის პროგრამებში მონაწილეობა, შეძენილი ცოდნისა და უნარების პრაქტიკულ საქმიანობაში გამოყენება და სხვა.

მათა ყუშიტაშვილს მონაწილეობა აქვს მიღებული სასამართლო სისტემისა და მართლმსაჯულების საკითხებზე გამართულ სხვადასხვა ღონისძიებაში, მათ შორისაა:

- ✓ 15.02.2020 – 16.02.2020 - მართვის უნარები - EU4Justice;
- ✓ 22.02.2020–23.02.2020 წ. საქართველოს საკონსტიტუციო სასამართლოს მნიშვნელოვანი გადაწყვეტილებები (პრეცედენტები) - იუსტიციის უმაღლესი სკოლა;
- ✓ 18.06.2022 – 19.06.2022წ. - სქესობრივი დანაშაული - UN Women – CoE.

6. პროფესიული აქტივობა:

„საერთო სასამართლოების შესახებ“ საქართველოს ორგანული კანონის 35¹ მუხლის მე-14 პუნქტის თანახმად პროფესიული აქტივობის მახასიათებლით მოსამართლის შეფასებისას გაითვალისწინება მის მიერ ინიციატივის გამოჩენის უნარი, იდეებისა და წინადადებების წამოყენება, სამეცნიერო და სხვა სახის პუბლიკაციები, დამსახურება იურიდიული პროფესიისა და საზოგადოების წინაშე და სხვა.

მოძიებული ინფორმაციის თანახმად, მათა ყუშიტაშვილი აქტიურად მონაწილეობს სამართლებრივი სისტემისა და მართლმსაჯულების საკითხებზე გამართულ დისკუსიებსა და შეხვედრებში, სადაც საკუთარ პოზიციას გამოხატავს ღიად. კანდიდატი არ ეწევა პედაგოგიურ და სამეცნიერო საქმიანობას, თუმცა ცდილობს აქტიურად მიიღოს მონაწილეობა პროფესიული წრეთის პროგრამებში.

მათა ყუშიტაშვილი არის საქართველოს უნივერსიტეტის სამართალმცოდნეობის 2018 წლის სადოქტორო პროგრამის სტუდენტი.

კანდიდატის საბოლოო შეფასება:

კანდიდატს კომპეტენტურობის კრიტერიუმის მიხედვით ვანიჭებ **88** ქულას.

საქართველოს იუსტიციის უმაღლესი

საბჭოს წევრი მანუჩარ კაკოჩაშვილი

თარიღი: 7.07.2025

